

建寧府志卷之十五

祀典

壇壝 祠廟

官祀 民祀 寺觀附

古者諸侯各有封內之祀今郡邑皆列篆而守封者也壇壝城隍之祭載在秩典天下所同若古先賢哲諸有功德於民者有其舉之莫敢滌越也其在鄉土而協於典義者雖不領於有司亦必備書所以奠神安民示崇報云竺乾柱下之宅間寓祀釐或名山多在占中而寺租之供庸以餉兵惡可忽諸特以非正祀附錄於後倘亦辭而闕之之意乎志秩祀

建寧府志

卷十五

祀典

三百六十三 英

祀典志上

壇壝

附廓諸壇祭皆統於府建安甌寧二縣附祭里社鄉厲二壇二縣各自主敬以別載

建寧府

社稷壇在城西移忠坊之龍山舊在富沙廟側移建今所

風雲雷雨山川壇在城南紫芝上坊明成化十五年建安知縣桂鎬重建齋宿所



郡厲壇在朝天門外太平坊壇前建亭刻額降祭  
文上三壇俱明洪武八年知府胡禎建里社鄉  
厲二壇並各縣壇壝並同

建安縣

里社壇

鄉厲壇二壇俱明洪武八年建每里壇各一所共  
各一十三所各縣同

甌寧縣

里社壇

建寧府志

卷之五

祀典

二

二百〇二  
英

鄉厲壇二壇各一十二所

建陽縣

社稷壇在縣治北門外二里許

風雲雷雨山川壇在三桂里黃華山之陽上二壇  
俱明洪武九年知縣范子疇建

邑厲壇在社稷壇側舊在縣北蕉湖嶺下明成化  
十一年知縣項旻移建今所

里社壇

鄉厲壇二壇各一十所俱明洪武九年建



崇安縣

社稷壇在治西興賢坊東舊在東嶽祠前遷建今所

風雲雷雨山川壇在治西興賢坊西舊在貞節坊即靈寶觀故址上一二壇俱知縣夏德章建

邑厲壇在治北城外二里許

里社壇

鄉厲壇二壇各一十九所上五壇俱明洪武九年建

建寧府志

卷之十五

祀典

三

二百五十一  
英

漢祀壇在武夷冲祐觀肇祀自漢武帝始

浦城縣

社稷壇在德星門外舊在官社巷明洪武九年僉事陳汝器建成化十三年築縣城以其址為軍營遷建今所

風雲雷雨山川壇在南浦門外舊在同龍山下僉事陳汝器移建儒學之左明成化十年築縣城遷今所

邑厲壇在縣治北隅



里社壇

鄉厲壇二壇各一十二所上三壇俱明洪武九年  
建造

松溪縣

社稷壇在縣治北一里許宋時建元因之明知縣  
梁楚材因舊址重建

風雲雷雨山川壇在縣治南石壁菴後

邑厲壇在縣治北一里許

里社壇

建寧府志

卷之五

祀典

四

一百五

鄉厲壇二壇各七所上五壇俱明洪武九年建

政和縣

社稷壇在西門外二里許

風雲雷雨山川壇在南門外一里許上二壇俱明

洪武十二年建

邑厲壇在西門外二里許

里社壇

鄉厲壇二壇各一十所上三壇俱明洪武九年知

縣張子春建



壽寧縣

社稷壇在縣治東一里許

風雲雷雨山川壇在縣治東三里許

邑厲壇在縣治西一里許

里社壇

鄉厲壇二壇各二十五所上五壇俱明天順元年

知縣陳醇建

祠廟上

祠廟有二入祀典者官祀之未入祀典者民祀之故別紀為上下

建寧府

附廟祠廟載在祀典者皆統祭於府故不復列於縣惟文廟建隴二縣各自主

建寧府志

卷之五

禮典

五

二百七十一

英

之故以別載然祭亦附於府文廟二縣俱行釋菜禮以下皆官祀之

文廟在府治東北府學之東祭儀悉遵禮制各縣

同

啓聖祠在聖殿後明嘉靖十年詔建各縣皆同不

復載

名宦祠舊在治東登俊坊原建安學文廟故址明

改尊經閣後今合鄉賢祠改在明倫堂東

鄉賢祠舊在府學泮池之右即尊賢堂故址今改

文廟之右春秋丁祭教官主之



城隍廟在府城內建安縣從化坊宋時建唐封

烈侯以刺史張文琮陸長源俱嘗有功德於民

列祠於左右左張右陸以配食詳見宋崇寧初飛蝗

入境官吏致禱有頃大風逐蝗南去奏賜廟額

曰顯應仍封城隍為惠寧侯張刺史為昭應侯

陸刺史為嘉德侯隆興中陞州為府加封城隍

曰福應張刺史曰靈貺陸刺史曰顯應明洪武

二年封城隍為鑿察司城隍威靈公令有司春

秋合祭於山川壇郡人列張陸二公祠於廟之

建安府志

卷五

禮

六

三百三十八

左右後考正祀典改塑像為木主定號曰建寧

府城隍之神府縣官到任必先詣祠設祭以誓

祭儀悉遵禮制各縣同弘治五年知府劉璵同

知周時中重修時中作記見藝文萬曆十五年火

推官蔡承植重建三十七年知府張埏重修增

建後閣名曰甘霖大門外左右新開一井又建

安令仙克謹甌寧令易應昌各建縣城隍於大

門外左右 本朝順治五年燬十年知府高攀龍建安知縣周沛生等重建有碑記



旗纛廟在行都司後宋雲榭臺故址木主題曰軍  
牙六纛之神 本朝順治戊子間燬於兵歲霜  
降日協鎮率守備官屬戎服祭於萬安州大教  
場

唐建州刺史李公廟在建安縣將相里梨山之麓  
公姓李諱頻字德新睦州壽昌縣人乾符中為  
建州刺史有惠政詳見宦蹟卒於官父老相率卜葬  
於縣之永洛洲以公在日素愛梨山之勝遂立  
廟梨山歲時祀之凡雨暘疾疫有禱輒應宋紹

建寧府志

卷之十五

祀典

七

二百五十一

興三年封靈顯忠惠公慶元六年加封靈祐善  
應王嘉泰二年加廣濟開禧三年加昭惠淳祐  
八年更封靈祐福應威濟信順王元至正間寇  
竊發官兵討平之神若有助焉天曆間加封溥  
澤福惠忠顯孚順王明洪武元年征南將軍左  
丞何道下江南師抵建寧旬餘不下左丞怒傳  
令刻日拔城是日夢有唐衣冠者圓目長髯立  
於帳前曰吾以一城百姓付汝勿妄殺之何覺  
詢諸士人此間最靈者何神時僧瑞巖對曰梨



山使言其形似儼如夢中所見者何躍然曰  
果降吾忍戮之翌日守將逢元芳以城來獻越  
二日太守翟也先率耆老詣軍門降何大悅入  
城市不易肆十一年詔下定號曰唐建州刺史  
李公之神仍令有司春秋致祭神有詩集板行  
於世又有小梨山由今廟小徑入山約五里許  
地名瀨石前小源滌下有古墓及小廟相傳神  
歿葬此既立今廟一夕大風雷雨小廟香爐飛  
上廟前大梨樹上建人遂以其樹刻為像今正

建寧府志

卷之十五

祀典

八

三百廿九

殿像<sup>三</sup>是也座下有井樹傳有神龍水氣上蒸貌  
嘗潤澤明成化二年知府劉鉞拓地而高廣之  
祠左有臨濟閣亦為新之刻公所著詩於上又  
府城朱文公祠右及政和門外真如寺東俱有  
行祠每朔望府縣官率父老謁神於府城行祠  
祭則詣梨山祠鄭士彥作記

見藝文

唐建州刺史葉公廟在府城內尚書坊古富沙地  
俗名富沙廟公姓葉諱顥唐武德初為建州刺  
史捍寇卒

見宦蹟

貞觀初民為立祠舊在長慶



後右有伏州左有溪潭春雨暴漲頻為害一夕  
風雨冒其上翌日視之潭為沙石所塞人謂神  
之力也後移建今所唐封普通侯宋封昭定侯  
俗呼英濟廟曰東廟此廟曰西廟明洪武十一  
年詔下定號曰唐建州刺史葉公之神令有司  
春秋祀之今燬

唐京畿令謝公廟在甌寧縣崇安里黃番公諱彝  
甫越州人為京畿令鳳翔府孟湜押兵過其境  
縱掠百姓彝甫斬之李輔國譖諸朝流建州帝

建寧府志

卷之十五

祀典

九

三百廿

同

後稍悟未及召卒葬於此代宗立夢公自訢詔  
為立廟賜額靈通後加封英武明洪武十一年  
詔下定曰唐京畿令謝公之神仍令有司春秋

祀之吳世安作記

見藝文

五代越國夫人練氏祠在城西敬客坊明正德十  
五年本府同知姜龍奉朝例毀淫祠遂即天妃  
宮出其像易扁以祀夫人春秋二祀有司舉行  
之其墓在府治內夫人有全城功  
詳見章仔鈞傳 萬曆  
三十七年圯於水甌寧縣知縣易應昌重修



宋帝齋朱先生祠卽環溪精舍在城南紫芝上坊  
先生名松韋齋其號也紹興間爲政和尤溪二  
縣尉携子朱熹往來皆居焉卽熹幼年戲於沙  
上畫卦地松後亦卒於此前臨雙溪爲浮橋通  
城中後有僧改建石橋假精舍爲督工之所名  
曰橋局已而僧廣其居名曰橋局寺後又更名  
方廣寺明成化二年松十一世孫熾燿燿白於  
官僅復其西隅隙地建精舍祀松正德十年松  
十一世孫燿燿十二世孫舉白提學胡鐸始全  
如儀致祭今遷建南門城內

劉屏山先生祠卽屏山書院在城南紫芝上坊舊  
名洪山寺按古志祠原在城內登俊坊宋貢院  
故址元至正間建祠祀劉子翬一云卽忠肅瑛  
故宅也明改爲建安縣學再改爲察院行臺而  
祠立於儀門之右今書院遺址巷尙存天順八



年知府劉鉞遷建城南中祀屏山先生以門人  
朱熹從子劉琪配嘉靖間督學潘璜增肖胡籍  
溪劉白水二先生像於後室與屏山其稱三友  
堂舊志遂誤以為宋三先生祠後據先生裔孫  
劉鏜劉見大劉盛大報稱改正

劉氏五忠祠即在屏山享堂之右明弘治五年子  
翬十二世孫通判澤構堂以祀忠顯公幹忠定  
公子羽忠肅公琪忠簡公領忠烈公純郡人監  
察御史勝祐作記見藝文萬曆二十五年提學徐

建寧府志

卷之十五

祀典

十一

三百三

祠

即登申請撫院金學會題勅有司致祭御史林  
培作記見藝文志

宋徽國朱文公祠在府城內建安縣紫霞洲宋寶  
慶三年公季子在與嫡孫鑑同建於今祠之左  
歲久傾頽明永樂十三年給事中陶偉監察御  
史蔣彥祿奉使來建率都指揮師祐知府劉敬  
等捐俸募財重修景泰中命春秋致祭官其嫡  
孫一人為翰林院五經博士世襲以主祀事祠  
旁隙地舊為武臣所侵而祠隘弗稱公九世孫



誕等白於巡按御史莊歛復之知府劉鉞卽其址遷建今祠中爲堂五間祀文公於中而以勉齋黃幹雲莊劉燾九峯蔡沉西山真德秀配享堂左右爲兩廡前爲重門後建聚奎閣庖庫俱備門之前兩傍爲二坊東曰景雲西曰喬嶽設庫子四名視守之少師楊榮重修朱文公祠作

記

見藝文

今本祠祀事宗子王之官給祭品隆慶

四年知府邵廉推官郭子章協義毀淫祠甌寧縣德勝坊有三官堂在毀中萬曆三年知府許

建寧府志

卷十五

祀典

三

三百卅

同

天贈改爲崇正書院祀文公於中龕而合祀諸儒於上下龕十二年提學王世懋改爲朱文公祠特祀文公以六門人配祀知府王之 本朝康熙四年提學陸求可捐俸重建二十八年撫院張仲舉題二十九年奉

旨以熹十八世嫡孫濬承襲五經博士奉祀

宋李忠定公忠勳祠在城西敬客坊公名綱字伯紀謚忠定邵武人建炎間爲奸人所沮謫福州時建人范汝爲作亂紹興改元朝命都統制



世忠討平之世忠以民多附賊欲盡誅之公不可令其分別裔從者汰遣所生子女皆育之民感更生祠祀焉後祠廢明嘉靖丁未知府錢璩請於提學周琬御史金城重建春秋有司致祭邑人范嵩作記見藝文萬曆三十七年祀於水

魏良齋祠原建陽山賢坊天啓三年撫院南按院

喬題請重建郡城南紫芝坊春秋郡守委官致祭

黃勉齋公祠在城西圓沙之陽天啓四年直指南

君益特疏請建春秋郡守委官致祭 本朝辛

建寧府志

卷之五

藝文

三

三百十

文

丑淇水祠祀孫坤奎移祠內郡紫霞洲文公祠左

存統祠即翊正祠舊為名宦祠慶五年知府

邵廉請祀郡內先烈流寓謝枋得謝臯羽士著

朱浚鄭儀孫徐夢發雷龍濟數公忠節同復同

萃於建故合祀之其行實詳數公各傳中萬曆

三十七年祀於水署府同知陳見龍知縣仙克

謹易應昌重修

明楊文敏公祠在府治東北宣化坊公諱榮官至

少師工部尚書謹身殿大學士贈太師謚文敏



有安社稷功成化三年榮嫡孫建寧右衛指揮同知奏請於故址以廢倉址建祠春秋有司祭之

知府劉鉞作記見藝文

明贈按察使張八公祠在城西敬客坊元妙觀之左

舊在甌寧縣北系芝上坊以舊毀明教堂改建公

名瑛嚴州人正統間任建寧府知府以討賊功

陞福建參政平府事後率兵討賊援絕與弟俱

死於敵贈今見官蹟成化二年知府劉鉞奏請

立祠未報弘治二年知府劉璵復請建祠今所

建寧府志

卷之五

祀典

古

三百十五

歲以五月朔公死事之日有司用特牲致祭教

諭賈暹作記見藝文萬曆三十七年圮於水四十

一年知府羅文寶重修

宋胡文定公祠

宋游御史祠二祠俱在舊府學明倫堂之左右宋

郡守陳正同建張杖作記見藝文嗣二祠俱廢游

祠移於拏公廟旁祠址又廢明萬曆三十九年

孫游三聯具呈守巡二道吳中偉戴王言知府

陳儒羅文寶甌寧知縣易應昌教諭謝天貺查



叢桂坊社學空基一所鼎建祀之

明李見羅先生清芬館先生名材江西豐城人嘉

靖進士歷官巡撫萬曆二十一年謫戍鎮海講

明聖學時撫院朱運昌按院何淳之移文卜館

於城南紫芝上坊右叅政沈傲价顏其門曰清

芬館提學饒景暉題其堂曰宗正堂門人曾六

德作記見藝文先生卒即祀於此提學徐即登置

黃華園地一匝民房八間建安知縣文立緝厥

寧知縣駱屢曾其置田肆畝門人龔全貳畝以

建寧府志

卷之五

禮

五

三百十

文

克香燈萬曆三十七年水垣壁傾壞提學熊尙

文修又發銀二百兩置田供三學諸生課文徵

租貯庫春秋祭期每次量支二兩輪委訓導一

員致祀

建安縣

文廟在縣後儒學之西

名宦鄉賢祠本學舊無二祠明萬曆三十九年知

縣仙克謹捐俸建於櫺星門左右致田供祭明

符公祠在敬一亭後林命為記

見藝文 公名 驗詳見宦蹟



曆四年教諭施仁因人士思公  
功德請建特祠春秋次丁專祀

### 甌寧縣

文廟在建安縣叢桂坊儒學之西明萬曆三十二年知縣駱駿曾修三十七年水知縣易應昌重修又捐俸增配哲廡各羊猪香帛祭品因地屢遭水患本朝康熙三十一年知縣鄧其文詳請咨部移建原左衛基

名宦鄉賢祠在聖殿後啓聖祠左右

本學文昌土地二祠明萬曆四十年訓導鄭文燭

### 建寧府志

卷之五

禮

夫

二百七十四

文

捐銀十二兩置田二畝零充辦祭品

### 建陽縣

文廟在同由里儒學東乃朱文公所議舊址凡數  
遷今始復故

名宦祠列祀宋元以來名宦蕭之敏儲用辛思謙  
熊愚山何景春張光啓張津項錫薛宗鑑宗臣  
今附在文廟門左

鄉賢祠舊在縣治坊隅明弘治五年知縣張津建  
以祀邑人文簡公劉煥勿軒熊禾而下諸先賢



邑民趙泰因祠成撥田一十四畝以供祀事今附在文廟門右

五賢堂舊在儒學內

真德秀作  
記見藝文

大儒祠在東儒學故址舊在才東交溪之滸東山觀故址遷置廢一明萬曆戊戌知縣魏時應改移今所合祀潭陽諸先賢三十三人

宋考亭祠卽考亭書院祠內原以黃蔡劉真四先生配明萬曆乙未提學徐卽登移蔡居左而黃次之劉真仍舊知縣王祀

建寧府志

卷之五

祀典

七

二百九十

文

宋黃勉齋祠在妙高峯下舊在西清巷先生講道之所宋理宗賜立環峯書院明正德間知縣邵幽以半山菴址改爲祠祀先生

宋謝疊山祠在城南朝天橋頭公嘗賣卜於此故祠祀之

城隍廟在縣治禮義坊舊在登高山下明洪武元年知縣吳義移建今所永樂丙申圯於水庚子重建萬曆三十五年知縣葉大受查侵基增修一新三十七年又圯於水知縣董暹重修



崇安縣

文廟在縣治西舊在永漿舖興賢坊右明嘉靖壬子改建於營嶺之麓萬曆戊申知縣虞大復改復舊址

名宦鄉賢祠在明倫堂後啓聖祠左右

二賢祠在縣儒學內宋乾道三年知縣諸侯庭瑞

建以祀趙抃胡安國二賢朱熹作記見藝文

景行祠在縣儒學內宋咸淳元年知縣劉漢傳建

以祀鄉先生及邑大夫扁曰景行祠宋末燬於

建寧府志

卷之五

祀典

六

二百八十六

文

兵明永樂間重建今學屢遷二祠亦廢

唐二丈祠今與土地合祠在縣治儀門之右舊在

縣治西祀唐殿監彭瑞宋侍郎張承傑縣令翁

谷

宋胡文定公祠舊在興賢坊元至正間知縣彭廷

堅建中奉文公以籍溪致堂五峯茆堂四先生

配歲春秋有司以次丁日致祭明嘉靖改學乃

遷於舊學基萬曆三十七年復移學於舊址仍

改公祠於學基之左



宋劉屏山先生祠在五夫里屏山之麓宋時建歲  
春秋用次丁日祭

宋朱紫陽祠在武夷山五曲隱屏山下卽文公精  
舍明正德間御史周文儀重建置祀田年久祠  
圯 本朝康熙二十五年巡撫張仲舉重建三  
十六年五月

御書賜扁額曰學逢性天

宋蔡九峯祠在武夷一曲兜盞山下明正德間御  
史周文儀重建給官田供祀歲久圯萬曆二十

建寧府志

卷之十五

禮

九

二百七十九

七年知縣虞大復建於舊學基

崇賢祠在治西二里許明嘉靖間兵備張儉建合  
祀崇之諸賢籍廢田供祭

宋趙清獻公祠在治西明隆慶三年知縣余乾貞  
建今在布政分司後堂

宋江少微先生祠在豐陽里明嘉靖辛酉燬近於  
廬峯一指菴之左立小祠

宋游文肅公祠在節和里澄澣其子孫自建自立  
祀田以有司之祭在建陽也但編門子供掃除



明王陽明先生祠在武夷一曲溪右嘉靖戊午  
府劉佃請建先生謫龍場時逆瑾欲要殺賢脫  
跡武夷山中過化之功為多士人翕然祀之  
城隍廟在縣西與賢坊舊在宣化坊按舊志云神  
乃漢之灌嬰也初平江南有功因祀為城隍南  
唐封輔德侯宋政和賜廟額顯忠紹定三年重  
建元燬於兵明洪武元年移建今所

浦城縣

文廟在縣治東南今遷北隅黃華山麓即天心寺

建寧府志

卷之十五

祀典

千

二百九十一

故址

名宦祠在文廟右

鄉賢祠在名宦祠前一祠俱明嘉靖八年建

宋朱文公祠在縣東隅舊資佛尼寺址明天順二

年推官胡緝建成化十一年叅議裴衷以真德

秀並位歲久祠圯弘治五年同知周時中新之

中祀朱熹左右倣建安祠列蔡沉黃幹真德秀

劉燾四賢配御史滕祐為記

見藝文

宋真文忠公祠在縣治東南舊為先生講學精舍



明洪武初因其址建祠景泰中知縣何俊重修  
正德十二年御史陳時言置田供祭嘉靖九年  
僉事道張儉廣而葺之萬曆間知縣方道通袁  
鳴泰黃公輔俱捐俸重葺

梁江文憲公祠在縣西上相里等覺寺右夢筆山  
之麓宋大觀元年知縣王淮立元廢址存

宋謝臯羽祠在觀前對金斗山臨大溪先生流寓  
隱此明崇禎間知縣劉若金建

城隍廟在縣東明洪武元年建萬曆十二年知縣

建寧府志

卷之五

禮典

三

二百八十五

吳

褚國祥重建康熙二十年知縣魏嶠增修

松溪縣

文廟在縣治西舊在治東明嘉靖元年改遷今所  
卽普載故址

名宦鄉賢祠在戟門左右

宋湛廬山祠在縣南東關里宋元符三年歲大旱  
縣令周才禱於山甘雨隨至乃創祠祀之又山  
巔有舊祠唐時建號上祠明洪武七年道士羅  
覺善又建祠於山麓號下祠嘉靖丙申改下祠



為湛盧書院

宋朱公祠在縣治之西南舊相傳為朱文公讀書所元至正十六年行省叅政阮德柔建祠祀焉揭浣作記

城隍廟在縣治南興賢坊明洪武元年知縣常顯祖移建今所

政和縣

文廟在縣治東儒學之南名宦鄉賢祠在戟門左右

建寧府志

卷之五

祀典

三

二百四十六

英

啓賢祠在縣護國南偏祀宋朱森字良材徽州婺源人子松尉政和迎森就養卒於官舍時睦寇梗道權厝護國寺後竟塋焉明成化己亥提學僉事周孟中因邑人致仕教諭吳憲言遂捐資建祠曰啓賢以其為熹之祖也巡撫都御史高明檄寺僧守視仍命有司致祭歲以為常周孟中作記

見藝文

宋陳徵君祠在縣西南高宅里禪巖院以祀宋儒陳朝老朱熹常與蔡元定詣祠謁徵君像瞻立



良久元定曰徵君骨相巖稜宜不享富貴熹厲  
聲曰富貴何如名節香

城隍廟在縣治南七星溪南卽古儒學明倫堂舊  
在縣治東南明洪武元年移建今所

### 壽寧縣

文廟在縣治東儒學之南

名宦鄉賢祠在戟門左右

劉都憲沈副使祠在縣治西都憲名廣衡吉安人  
副使名訥吳縣人二公有開設縣治安輯境壤

### 建寧府志

卷之十五

祀典

三

二百五十五

之功

見沿革

明成化間知縣陳庠欲建祠祀之事

始集而以憂去後潘曰原姚曷相繼成之每歲  
春秋有司具牲醴率士民致祭

城隍廟在縣治西明景泰七年知縣陳醇建

祠廟

民祀

### 建安縣

漢壽亭侯廟八門俱建惟寧遠門尤靈應明萬曆  
三十四年巡按御史陸夢祖纂修府志開局於  
此今按古廟惟寧遠門朝天門存南門通仙門



舊無通濟政和威武臨江四門 本朝順治六年建新廟

東嶽宮在白鶴山前歲久圯 本朝康熙二十一年衆募建

唐觀察使陳公廟卽都督廟在建寧里之東坤神  
諱巖字夢臣邵武府建寧縣人唐末巢寇閩巖  
率鄉兵收復以功授福建觀察使後歿廟食於

此按考舊傳光啓初建祠宇是時巖無恙疑鄉人生祠之景福元年塑神

像侍中陳誨鎮州日加都督號故里人呼其廟

建寧府志

卷之十五

祀典

古

三百零五

曰都督或云廟中夜有金鼓聲有禱輒應明洪  
武十年鄉民大其祠

唐顯祐公廟在光祿坊姓林諱旺爲郡軍校正直  
神明人爲立像旣卒祈禱輒應立祠祀之宋時  
累加封號咸淳五年郡火守禱於神大雨火止  
封顯祐公妻唐氏協靈翊惠夫人建炎間郡卒  
葉儂等叛推魏勝爲首勝謀降衆疑勝曰質之  
神方知勝心兆得吉葉儂等乃就降一城獲全  
神之力也原祀於城隍左廡明洪武九年知廉



胡禎遷今所後在建安縣治之東今廢

唐神應廟在光祿坊相傳神姓袁兄弟官守令歿享血食汀州盜起用陰兵助戰返風滅火累封顯烈顯祐侯爵先後勅書二十餘軸明少師楊榮感其靈蹟將宋勅數軸欲請加封中途榮故勅亦散失餘勅存廟久爲寇毀 本朝戊子建郭外俱火神廟獨存俗傳神夜間有甲馬聲故廟左右名甲馬巷

唐廣武王廟在將相里之南鄉廟記云神姓李諱

建寧府志

卷之七

祀典

三

三百三十

文

文昌唐開寶中仕閩掛冠居城南精舍旣卒僧爲立祠鄉民懷其德請於刺史陸長源移祀今所建中三年始創祠鄉民夢神云某所有儲錢一倉掘其處果得錢土木之費咸取給焉因名錢倉廟乾符間封廣武一云神無姓氏初廟在府城西南陸長源毀其祠投之於溪香爐附板而流至小溪口復泝而上鄉人異之爲立廟掘地得錢府城內東隅又有錢倉廟今重建

唐睢陽忠靖王廟卽龍域廟在東莨里前墩早潦



疫厲禱隨應又名龜峯廟元至正間重建

唐倪王廟在下里倪坑之源神名彥松唐昭宗時人與弟彥椿伏羲散粟濟貧積功累行兼精道術治旱疫大驗詔封將仕郎卒後鄉人立廟祀之旱禱輒雨如響宋孝宗朝賜廟額曰靈濟淳祐十二年加封忠靈孚澤昭德聖王至今春作之期四鄉祈請金鼓聲殷如雷

唐馬氏僊妃祠在將相里木樨林馬氏三妃原處州景寧人唐光化間嫁而嫠事姑孝得授僊術

建寧府志

卷之十五

禮

三

三百二十三

鄉人感之為立祠禱嗣靈應明隆慶初推官郭子章夫人夢僊妃送二子果應給以祀田有記

又有夢記

見藝文

本朝康熙十一年重建

五代張閣門使廟在吉苑里龍焙即恭利廟神諱廷暉字仲光仕偽閩家有茶園在邑之北苑周廻三十餘里盡輸之官既卒里人祀之以為茶焙地主後祈禱有驗宋紹興中賜額恭利仍封美應侯累加封至六字侯妻范氏協濟夫人元至正十二年里民周長重建廟宇歲修貢有祠



祭以羊豕今茶罷貢廟亦廢

五代雷押衙徐將軍祠在房村上里之璜溪神生以忠烈義勇著稱寇攻其鄉率衆禦之遇害鄉人立祠祀之

宋徐義卒祠在本縣土地祠之東隅

今無此祠義恐在舊縣

卒名斌邑之東衢里人

里今改政和縣

端平間隸建之

十二指揮二年翼虎軍黃勇等叛欲殺太守侍衛者宿與約三鼓突入郡治至別廳之便門斌適在闔門拒之賊不得入太守乃得逸去賊誘

建寧府志

卷之十五

祀典

七

三百三十三

文

以利不聽乃斬闔而入斌遇害明年後守姚瑤為立祠塑像為文祀之其畧曰乙未夏初倉卒亂拒戶以抗脫守於難以身殉之聞者浩歎人孰不死死死義有名今汝雖死如生之榮今廢

元詹公祠在府前平政橋濠邊公以亭長起家值

東路礦徒嘯聚攻城幾陷公獨詣營壘諭衆感激流涕遂解散歿後郡人請立廟報功有司上聞勅建祠祀之祈禱輒應明萬曆己酉圯於水

辛亥重建燬本朝順治五年重建



甌寧縣

閩越王行祠卽南臺廟在府城南紫芝下坊祀閩越王無諸王閩地建國之始今燬

閩越王行祠卽武毅王廟在禾義里其將號孛公者甚著靈響明永樂中知縣黃叅重建今燬

漢童大王廟在平肆坊其地舊爲茶塲因號古茶塲廟王名毅字公輔初郡地遷徙不常民無定居童氏獻其地立城郭創市廛及歿民立廟祀之封通靈侯明成化十年燬今建甌二縣俱有

建寧府志

卷之十五

祀典

三

三百三十

文

此祠或曰王生於漢代秦之二年以地獻於閩越王建都之時未詳何據今廢

唐袁撫諭使廟在禾義里使諱元應小湖人仕唐爲吏部員外卽巢寇閩出爲本道撫諭使未幾卒塋湖山龍溪鄉民爲立祠賜額曰靈應南唐封昭顯侯明成化十五年重建

唐東平王廟在城南內隆禮坊南庫前及石幢巷等處俱有之卽唐御史中丞張巡也神河南南陽人守睢陽拒賊力竭而死其英風義氣充塞



宇宙故闢人多祀之又建安光祿東嶽行祠右  
亦有神廟俗以七月二十五日爲神誕日祭享  
之各縣東平王祠同

宋韓蘄王廟在府城內和義坊原仁濟亭舊址王  
名世忠字良臣延安人宋紹興初范汝爲反據  
郡城其勢甚熾高宗命世忠爲福建宣撫副使  
世忠曰建居閩嶺上流賊沿流而下七郡皆血  
肉矣遂領兵自鎮江由海道至福州趨建安從  
鳳凰山間道至城下駐軍黃華山日夜併攻越

建寧府志

卷之十五

祀典

无

三百二十一

文

五日城破汝爲自焚斬其弟岳吉以徇擒其謀  
主謝嚮及裨將陸必疆等五百餘人令軍士駐  
城上毋下聽民自相別農給牛穀商賈弛征脅  
從者不問獨取附賊者誅之民感更生爲建生  
祠紹興五年詔有司修其祠益以司戶廨舍闢  
而大之今廢

童五郎廟在平肆坊大葛巷內郎名猛討黃巢有  
功歿於陣郡人義之建祠以祀

宋石磯大廟在禾吉里按記正殿孚濟侯姓蔣



唐人世居蔣源兄弟五人各分土血食初黃  
兵起侯伯仲仗劍一呼鄉民不敢從亂今有試  
劍石在五代盧賊煽禍乞神助之事平民欲立  
廟卜基未定俄實石於吉溪之左者五鵠卵鴈  
行棄去尋集衆神之因而作宮其上號曰石磯  
廟宋建炎始賜靈祐額累封八字侯右殿廣惠  
侯姓林諱必興隱身牛口舍生取義更封六字  
侯左殿昭衛侯姓張諱暹有祈輒應如響與二  
侯楊化其享廟食鄉官兵部侍郎陳海帶神香  
火押兵勦賊侯助陳有功宋勅建廟元末燬於  
兵明永樂己丑廣而新之至今禱應不衰 本  
朝康熙二十五年復圯於水知縣鄧其文重建  
孝子陳公祠在敬客坊公諱榮事親以孝聞載孝  
義志明天啓間裔孫戶部郎中國鑰疏請建坊  
祠兵燬 本朝順治十五年改建和義坊

### 建陽縣

唐嘉禾縣錄事陳公廟卽威懷廟在興賢里之蓋  
竹又爲蓋竹廟舊志神姓陳名泮爲嘉禾縣錄



事以直方清幹為已任三子俱以行義稱唐自  
元中被讒父子同時遇害棄屍於溪沂流而上  
數十里邑人收瘞之立廟以祀宋元豐中封威  
惠公政和中賜額威懷紹興中累有加封妻黃  
氏封慈懿夫人三子皆封侯曰協義曰協信曰  
協濟既神累封至八字公夫人并三子皆加封  
有差

王堃蔡襄  
作記碑

唐東平王廟在興賢中里橫塘嶺元至正七年里  
人章文泰建凡水旱疾疫禱之輒應明正統十

建寧府志

卷之十五

祀典

三

三百五

劉

三年沙寇倡亂部下吳進保欲糾兵攻縣預卜  
於神至三四不許賊怒焚其廟有頃驟雨如注  
風拔木賊營旗鎗皆仆眾驚潰鄉人陳善安王  
雅率眾擊之賊眾忽聞空中金鼓聲地若騰湧  
人馬辟易昏菴不知所之遂大敗斬首千五百  
級生擒數十人明年陳善安王雅俱以功擢鎮  
撫重修廟宇

唐七姓廟在崇任得里舊志云唐有七姓者從刺  
史熊博討賊遇害於此鄉人立祠祀之明永樂



三年里人駱宗重建

唐吕相公廟在禾平里神名師誨唐末與海寇戰沒於福州是夜鄉人聞金鼓聲日起視之見小舟沂流而上人以為異廟祀之

唐陳侍中廟在三桂里橫山之麓神名師誨南唐保大間以檢校侍中領建州既沒邑人祀之

唐朱邦式廟即淇山廟在洛田里唐建元時重修舊志唐末盜賊蜂起神率鄉人捍禦戰敗而死流血滿地因名淇山鄉人立廟祀之

淇與紅通鄉音訛也

建寧府志

卷之七

祀

三

三百六十六

列

江河廟在縣治文溪城隅祀晏公即所稱九江八河神也明永樂丙申圯於水宣德戊申知縣何景春復建廟瞰大溪先是渡舟往來多傾覆坊民黃賢募衆立雙石塔以鎮之一豎廟前一豎山之麓其患遂息

關王廟在同由街

東嶽廟在縣南明洪武辛亥建廟之左廳祀廣祐侯陳舍人按神諱通字伯恭宋政和丁酉委身東嶽廟誓以公忠報國惠澤及民既歿之明年



有紅光見於祠邑人刻木爲像以祀之紹定間  
邵武寇掠本邑侯跨甲馬拒之賊遁端平甲午  
唐石龕十人嘯聚山林統制周喜領兵追捕相  
持間見侯旗幟閃鏢金鼓鳴空賊衆駭懼不數  
日賊平嘉熙己亥大旱屢禱屢應漕司上其事  
加封廣祐侯

唐鎮國王廟在治南隅古傳神姓郭失其名又按  
舊志陳氏譜云神姓陳名景仁任北門將軍分  
鎮興化軍節度使神歿民立廟祀之唐宋累封

建寧府志

卷之十五

祀典

三

二百六十八

鎮國廣武威王妻王氏封荆國順懿妃明正德  
庚午廟基爲呂氏所侵移祀古稅局嘉靖丙申  
燬庚戌創爲社學神之故座忽產紫桐一株亭  
亭如蓋甫十載已成合抱僉謂神之復生己未  
海寇平先期應夢於署縣曾公遂斷桐復像而  
祀之萬曆己卯合境捐資贖廟基重建視舊制  
加拓矣

唐倪王廟在崇政里策口神姓倪諱彥松唐時人  
生平仗義每遇饑常出穀以濟貧乏民德之歿



為立廟南宋封忠靈孚澤感應王

五代昭福廟在北洛里神姓名無可考五代以來

有之宋紹興中詔賜今額封忠應侯

詔詞有口旱潦病吾

民而爾陰功弭其災寇賊  
擾吾民而爾陰力銷其變

五代李太保廟即庇民王廟在縣東隅偽閩時王

從珂侵州境神率義兵拒守授銀青光祿大夫

檢校太保領嘉禾縣永洛鎮公事以戰沒邑人

為立廟宋政和初賜額庇民宣和中封靈貺侯

淳熙末累封至八字公明永樂十四年圯於水

建寧府志

卷之十五

祀典

三

三百〇二

列

宣德二年知縣張光啓何景春重建嘉靖己亥

知縣李東光重建

五代蔣大夫廟一名章山廟又名感應王祠在東

北建中里神名仲賢兄弟五人俱仕偽閩為大

夫因名所居里曰五大夫屬崇安縣神平生忠

信謹恪既卒鄉人為立祠凡旱澇災患有禱即

應初五大夫俱有廟其一在石郭乃神弟季實

也

石郭廟在建忠里神姓蔣諱季實即章山廟神之



弟舊廟在五夫里一日鄉人席地而祭忽起大風吹席至今廟所而止鄉人就以祀之

宋朝散郎劉公廟即忠烈廟在縣永忠里神名純字君錫里人也為沙縣簿邵武劉安國寇建陽神散家財募兵討賊賊圍邑令神斬賊拔令以歸後於下瞿為賊所獲不屈而死事聞贈朝散郎邑人立廟祀之賜額忠烈加謚義壯至八字侯後郡守王遂重廣其廟為記著其事於石明成化間知府劉鉞重建嘉靖癸丑知縣馮繼科

建寧府志

卷之十五

祀典

三

二百七

刻

重修

元詹翰廟即惠祖廟在同由里詹翰姓名里人也生而雋異言出而人信服之元末寇亂鄉民賴其保障陳有定據閩逼使從翰拒之遂遇害葬於里之九圳頭後人立祠墓側扁曰惠祖有禱輒應

崇安縣

東嶽廟在縣西興賢坊營嶺宋崇寧四年建後遷於西門外右廡祀張睢陽傍有楊太保像舊傳



神姓楊江右人負販至崇舍身東平王前立化  
於此其像尚骨立有禱輒應 本朝順治十六  
年千總張嘉在重修未竟遊擊張光然成之

唐李指揮使廟卽慈惠廟在豐陽里神兄弟三人  
孟曰林仲曰檝季曰槐唐季屢立戰功遷指揮  
使乾符間黃巢入寇兄弟其率所部擊賊敗之  
追至建陽被執不屈而死越七日容色不變人  
異之相與具棺衾以葬十四年墓圯於水棺沂  
而上至竹湖山下水擁砂石埋之鄉人因立祠

建寧府志

卷之十五

祀典

三

三百卅五

劉

祀焉寶慶元年亡卒葉勝倡亂縱火焚市將及  
祠俄而雷雨大至火隨滅羣盜駭散

李仲光  
作記

唐大夫池公廟卽昭應廟在五夫里神名繁禧仕

唐官至大夫五季之亂隱不復仕歲歉出粟賑  
饑鄉閭德之沒爲立廟宋乾道五年賜額昭應

唐義武廟在瑞巖寺之西神卽扣冰古佛之佐也

一姓唐名宏一姓葛名雍一姓周名武世傳爲  
閩中人於唐嘗平寇難因有將軍之號歸隱於  
此以劍囑父老曰劍吾用久矣今藏巖中此龜



行且爲道場吾當護法旣而同化時巨寇累繁  
輒顯靈異懾之未幾扣水卓錫因建寺同奉焉  
宋白玉蟾祠在會僊里明萬曆知縣虞大復重建  
元忠愍侯彭公祠在治東南神名庭堅嘗爲崇安  
尹禦寇有功後爲萬戶岳煥所害邑民立祠祀  
之祭禱響應贈福建道宣尉使司都元帥封忠  
愍侯

會真廟在會僊里舊名同亭祀同會幔亭諸僊也  
仙君廟在會真廟右

建寧府志

卷之十五

祀典

三

二百七十五

五

江武廟神一姓江一姓武以勇義相善許以死時  
有虎患二人持勁弩捕之江誤觸弩死武曰平  
生以死相許其可背乎因自觸弩死而虎患遂  
絕民義之爲立廟

浦城縣

漢東粵王廟在清湖里祀漢東粵王餘善神嘗拓  
江之浦築城以居後爲繇王居股所殺民爲立  
廟宋紹興十二年賜額曰昭祐淳熙十五年封  
孚惠侯



南嶽廟在縣南人和里元建明洪武二十五年里人重建宣德元年再修禱應如響

唐劉刺史廟在勝果寺後神名守謙邑人也唐肅宗時討安祿山有功授處州刺史先是寺廢故寺僧爲立祠今廢

唐安邊廟在登雲里廟祀二神一爲黃龍一爲范滔皆里之下沙人唐末閩中亂龍爲制置鎮節級滔爲廂虞侯皆有戰功陣亾人立廟祀之有禱卽應

建寧府志

卷之十五

祀典

三

二百七十四

水南廟在縣南隅相傳神姓黃名轉五代末人歲旱禱禱之輒應今名護國社

宋僊楊尉文公廟卽鎮安廟在長樂里僊陽鎮宋時建神諱昭字克明浙之衢州人乾符中爲僊陽尉時地曠人鮮神政敷惠洽民爭來歸遂爲巨鎮黃巢入寇神力禦之民賴以安旣卒立祠祀之真德秀爲文記其靈異後燬於兵明洪武間重建

松溪縣



吳南部都尉陸公廟卽濟美廟舊名東平威靈王廟在東關里神姑蘇人姓陸名宏後漢盧江太守康之孫吳鬱林太守績之長子仕吳爲南部都尉有惠利於民是時閩盡其屬故民爲立祠唐建中二年裔孫陸長源刺建州爲葺祠宋宣和紹興間凡遇寇作多著靈顯隆興二年賜額濟美知縣何蘊有記後累封濟美莊祐福惠王妻爲王妃又縣治前興賢坊右亦有行祠元至正二十一年建按吳史陸績傳云子宏爲會稽南部都尉而郡志乃謂宏仕吳爲中書侍郎會稽南部有民校尉二說不同以吳史爲止唐東平王廟在縣治東一里許明正統三年邑民夙希達建

建寧府志

卷之十五

祀典

三

三十五

不

唐余將軍廟又名都頭廟在皈伏里舊縣之側神名汝程字千里邵武人唐咸通中爲松源鎮將屢與吳戰爭小梅關卒於鎮民思之因立廟祀焉按通鑑咸通爲懿宗年號是時未有吳越所謂屢與吳戰不知何所指姑從舊志

五代吳土主祠在縣治東遂應場之西北宋天聖四年建元延祐八年重建神姓吳名十七卽處



州慶源人或云五代仕周爲諫議大夫歸居於此闢田野募民耕種旣沒鄉人思之爲立祠凡禱皆應至正間強寇夜駐遂應場北山下地方騷動禱神兆吉黎明衆往拒之寇望見兩山兵幟甚衆遂大潰守關者追殺之

宋吳武尉廟卽顯聖廟在南直街按舊志宋初武尉吳大辨沒於王事紹興間知縣林敏元建廟於使華館左祀之扁曰顯聖

順英廟在東關里大洋橋神姓陳兄弟二人名淑

建寧府志

卷之十五

祀典

碑

二百七十五

公淑美左右李勝傅賜二侯靖寇於斯卒有功鄉人祀之明正統天順間黃坑西里二寇殄滅神功助焉

五顯祠在縣治東隅明祀典載居十廟之一卽靈順祠

化龍祠在遂應場東山之麓

英護廟在赤關里遂應場神姓林名發宋隆興二年任崇安巡檢措置遂應場卒於官民爲立廟政和縣



唐李中丞廟卽忠節廟在縣治東神名彥堅在唐  
爲銀青光祿大夫御史中丞知建州軍事以禦  
寇不克而歿因廟祀之宋崇寧間賜額忠節

周民

瞻撰

又縣西高宅里亦有神同

唐張招討廟卽英節廟在縣南飛鳳山前神名謹  
仕唐爲福建招討使乾符五年黃巢寇閩謹與  
偏將郭榮等十八人俱死於戰鄉人義而廟祀  
之宋崇寧中賜額英節大觀元年追謚昭烈侯  
隆興二年加號惠應累進至王爵明成化十年

建寧府志

卷之十五

祀典

里

三百廿七

五

處州賊入境民心惶懼時叅議陳渤按邑白晝  
瞑目夢神大聲曰賊不入邑勿懼後果然因命  
主簿扈子賢修廟又縣東北感化里亦有神廟  
宋三峯處士祠在西里三峯寺處士姓吳廣信人  
唐韶州刺史吳武陵之後徙居處州慶元宋太  
平興國中處士至關隸縣西里見其田野荒蕪  
遂率鄉人十餘家請於官耕之不數年而富饒  
號吳百倉凡貧乏者施以衣食疾病者濟以藥  
餌旣卒鄉人立廟祀之



元隴西郡公祠在東里泗洲橋公姓李名鉉襲兄副萬戶職守延平進擊福安寨與賊戰於泗洲橋弗克死之事聞贈鎮國上將軍江東道都元帥護軍隴西郡公里人立祠祀之

元關隸伯祠在縣西都護橋公名馬哈麻別石八里回回人政和縣尉率鄉兵拒賊被執罵賊不絕聲賊剖其腹於都護橋追贈關隸伯民卽其所立祠祀之後祠廢典史郭斯厘迎其主附祀忠節廟

建寧府志

卷之十五

祀典

五

二百二十

元忠愍侯彭公祠在治東南公名庭堅常爲崇安尹後以僉都元帥畱守政和遇害邑人立祠祀之後廟廢典史郭斯厘奉其主祀於忠節廟

